



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10057

ՀՐԱՏ. ՅՈՎՀԱՆՆԷՍ ԱՐԱՍԵԱՆՑԻ № 7.

Զ Ր Ա Դ Ա Շ Տ

Կազմեց Մ. Թամանյանը

ԵՐԵՎԱՆԻ ՄԱՐԴԱԿԱՆՑ ԿԵՆՍԱԳՐՈՒԹՅՈՒՆՆԵՐ

295
Զ-90

Ե. ԹՈՓՉԵԱՆԻ

ԽՄԲԱԳՐՈՒԹԵԱՄԲ

ՊԱՏՐԱՍՏՈՒՄ ԵՆ ՏՊԱԳՐՈՒԹԵԱՆ ՀԱՄԱՐ

„ԼՈՅՍ“

Սեղանի (1 ու.) պատի (50 կ.) և ծոցի (20 կ.) պատկերա-
զարդ օտաջոյցներ 1904 թ.

ՎԻՃԱԿԱԳՐԱԿԱՆ, ԳՐԱԿԱՆԱԿԱՆ ԳԻՏԱԿԱՆ

ԵՒ

ԳԵՂԱՐՈՒԿԵՍՏԱԿԱՆ

ՀԱՐՈՒՍՏ ՅԱԻԵՆՈՒԱԾՆԵՐՈՎ

Եշխատակիցներն են՝ Ահարոնեան Ա., Առաքելեան Հ.,
բժ., Արծրունի Ա., բժ. Բուդուզեան Ա., Զաւարեան Ս.,
Թուճանեան Յ., Իսահակեան Ա., Լէօ., Լիսիցեան Ստ.,
Ատամնաբոյժ Կաճիաճեան, Մալխասեան Ստ., Ատամնա-
բոյժ Մակարեան, Մեծատուրեան Գ., Յովհաննիսեան Միք.,
Յովհաննիսեան Տ., բժ. Յովհաննջանեան Հ., Շանթ, Շիր-
վանդադէ, Չորանեան Ա., Պոռչեան Պ., Տիգրանեան Ն.
(երաժիշտ), Տիգրանեան Ս., Տէր Մինասեան Արշ. քհն.,
Տէր-Միրաբեան Յով., բժ. Օհանեան Քր., Փափաղեան Արթ.,
զ-ր Փաստրմաճեան և այլն:

«Լոյսն» իր շքեղ արտաքինով—(բազմաթիւ դունա-
տիպ պատկերներ)—և բազմակողմանի բովանդակութեամբ,
լինելու է ամեն մի ընթերցողի խորհրդատու ընկերը, ամեն
մի ընտանիքի սեղանի գեղեցիկ զարդը:

Մանրամասնութիւնների մասին իր ժամանակին
կ'յայտարարուի պարբերական թերթերում:

Սեղանի օրացոյցում կ'տպագրուին յայտարարու-
թիւններ բոլոր լեզուներով: Վճարը—2 կոպ. իւրաքան-
չիւր բառի համար: Հարիւր բառից աւելի յայտարարու-
թիւններին 20⁰/₀ զիճոււմն:

Գ Ի Մ Ե Լ՝ ТифлисѢ Е. Топчиану, Троицкая N. 11.

M A P M.
2-809a

04 NOV 2009

ԵՐԵՒԵԼԻ ՍԱՐԴԿԱՆՑ ԿԵՆՍԱԳՐՈՒԹԻՒՆՆԵՐ

295

2-90

ՀՐԱՏ. ՅՈՎՀԱՆՆԷՍ ԱՐԱՄԵԱՆՑԻ № 7.

PA

21163

2843

Զ Ր Ա Դ Ա Շ Տ

Կաղնէց Մ. Թամաճեանց

ՊՅԵ

Ս.-ՊԵՏԵՐԱՌԻՐԳ
ՊՈՒՀԿԻՆԵԱՆ ԱՐԿԻԱՏԻՊ ՏՊԱՐԱՆ
1903

13 APR 2013


10057

Доз. цензурою. С.-Петербургъ, 16-го Сентября 1903 года.

«Пушкинская Скоропечатня», Лештуковъ, 4.



3925-88



ՕՐՄՈՒԶԴ

(Պերսեպոլիսի անրակներից.)

Ա.

Նախնի իրանցոյ ու պարսկաց կրօնը զանա-
զան անուններ է կրում, որոնցից աւելի յարմարը
մազդէականութիւնն է, նրանց զխաւոր աս-
տուծոյ Ահուրա-Մազդէ կամ Օրմուզդի անունով:

Մազդէականութեան հիմնադիրը իրանական
մարդարէ Զրադաշան է: Իրանի ու Պարսկաստանի
այդ աղբային կրօնը պատկանում է հին աշխարհի
նշանաւոր կրօնների թւին, դերագանցելով նախա-
քրիստոնէական միւս կրօնները իւր պարզ գաղա-
փարով՝ ճշմարտութեան կամ անճշմարտութեան,
և պարտաճանաչութեան մասին: Զրադաշտը կարե-
ւոր տեղ է բռնում կրօնների երեւելի հիմնադիրնե-
րի շարքում՝ Մովսէսի, Կոնֆուցիոսի, Բուդդայի և
Մահմէդի:

Զրադաշտը կամ, ըստ հին-պարսկական լեզուի,
Զարատուստրա, ծնւել է, աւանդութեան նայելով,
արեւմտեան Իրանում (այժմեան Ադրբէջանում)
Էօթներորդ դարում Քրիստոսից առաջ: Նրա ծնող

ները, Փիրուշասպր և Դուզէդէն, պատկանում էին բակորիական ծագում ունեցող մի անւանի տոհմի:

Նոյն աւանգութիւնը պատմում է, թէ Զրադաշտի երեխայութիւնը և պատանեկութիւնը անցել է անրնդհատ կոււի մէջ դեւերի ու չար ոգիների հետ, որոնք զանազան միջոցներով աշխատում էին խորտակել Զրադաշտի կեանքը: Կոււից և մարդկային անաղնւութիւնից յոգնած Զրադաշտը անապատ է քաշում և մեկուսանում մի քարայրում: Այստեղ արժանանում է նա երկնային յայտնութեան. աւետիք է բերում նրա համար Օրմուզդի ամենափրկիչի հրեշտակապետ Վոգոմանդր:

Հրեշտակապետը տանում— կանգնեցնում է Զրադաշտին Օրմուզդի դահի առաջ: Օրմուզդը յանձնում է Զրադաշտին Ավէստա—սուրբ գիրքը, բերանացի խրատներ է տալիս, և ուսուցանում է գաւանդութեան, մարդկային պարաւորութեանց ու փրկութեան ճանապարհների սկզբունքները և չար ոգիների դէմ մաքառելու միջոցները:

Զրադաշտը թողնում է անապատը, սակայն չէ ազատւում դեւերի հալածանքներից և զլխաւոր գեւապետի՝ չարութեան ոգի Ահրիմանի գայթակղեցուցիչ խոստումներից: Այդ յարձակումների և դայթակղութիւնների դէմ իբրև զէնք ծառայում է Զրադաշտին հոնովէր կոչւած անյաղթելի աղօթքը:

Իւր թափառանքի միջոցին Զրադաշտը յայտնւում է երեւելի Կիւրոսի հաւի՝ պարսից Գիստասպ թագաւորի պալատում: Այստեղ նա շատ փորձանքների է ենթարկւում, մաքառում է պալատականների խարդաւանքների և չարամտութիւնների դէմ, բանակոււի մէջ է մտնում զանազան իմաստունների ու քուրմերի հետ, բայց վերջ ի վերջոյ Զրադաշտը յաղթող է հանդիսանում. Գիստասպ թագաւորը ամբողջ ընտանիքով և նրա բոլոր մերձաւորները ընդունում են իրանական մարդարէի կրօնը: Զրադաշտը ամուսնանում է մեծ-վեղիր Զամամի աղջկայ հետ և այդպիսով դառնում է թագաւորի ամենամօտ խորհրդականների ազգականը:

Զրադաշտի կրօնը տարածւում է նոյնպէս Պարսկաստանի և Իրանի սահմաններից դուրս և նրանունով պատերազմ են մղում հարեան թուրանցիների դէմ: Սակայն չը նայած յաղթանակին, որ տանում են նոր կրօնի կողմնակիցները՝ ինքը Զրադաշտը սպանւում է պատերազմի դաշտում թշնամու ձեռքից:

Բ.

Զրադաշտի կրօնի բնորոշ կողմն է դուալիզմը, այսինքն այն միտքը, թէ գոյութիւն ունին երկու, իրար դէմ կուտող, ոյժեր. բարի ոյժը, որի ներկայացուցիչը Օրմուզդն է, և չար ոյժը, որի ներկայ-

այցուցիչը Ահրիմանն է: Ըստ իրանցիների հասկացողութեան՝ մի խոր անդունդ բաժանում է տիեզերքը երկու մասի: Մի մասում թագաւորում է լոյսը, ճշմարտութիւնը, կրօնը, իսկ միւս մասում—խաւարը, ստութիւնը: Օրմուզդը՝ ճշմարտութեան ներկայացուցիչը, ստեղծում է ամեն բարի բան, Ահրիմանը՝ ամեն ստութիւն և անբմունք ու խորտակում է ամեն լաւ բան: Օրմուզդ աստուածը ապրում է յաւիտենական լոյսի մէջ, Ահրիմանը՝ խաւարի հողին, անսահման խաւարի մէջ:

Չնայելով մազդէականութեան դուայիստական բնաւորութեանը, նորա իդէալը մոնոթէիզմն է կամ միաստուածութիւնը, որովհետեւ Զրադաշտը նախազուշակում է Օրմուզդի վերջնական յաղթութիւնը և միայն նորա տէրութիւնը: «Սշխարհքի վերջում—ասում է նա—բարին կը յաղթանակէ, իսկ չարը կ'անհետանայ, ննչեցեալները յարութիւն կ'առնեն և մի նոր կեանք կը սկսւի»:

Զրադաշտի կրօնը խստութեամբ պահանջում էր իւր հետևողներից մարմնի և հոգու մաքրութիւն, մեծարանք դէպի Օրմուզդը և նրա հրեշտակները, ազօթքներ, յաճախակի զոհաբերութիւններ: Նա պահանջում է աշխատել, մանաւանդ պարապել երկրագործութեամբ, փչացնել վնասակար կենդանիներին. քարոզում է պաշտել արեղակը, լուսինը, աստղերը, մեծարել կրակը, ջուրը և հողը: Խիստ պա-

տիժ էր նշանակւած այն ամբարիշտների համար, որոնք կը պղծէին այդ սրբազան տարրերը:

Մազդէականութեան ծաղկած դրութիւնը ըսկսւեց պարսկական Ահմէնիդ թագաւորական ցեղի տիրապետութեան ժամանակ, Կիւրոսի օրերից: Եթէ պարսիկները յոյներից պարտութիւն չկրէին Մարաթնում, Սալամինի և Պլատէի մօտ, գուցէ այդ կրօնը տարածւէր ամբողջ Հին աշխարհում:

Մազդէականութիւնը մեծ հարւած ստացաւ, երբ, ըստ իրանական աւանդութեան, Սլէքսանդր Մակեդոնացին, զրաւելով Պարսկաստանը, փչացնել տւաւ մազդէականութեան սրբազան զրքերի մեծ մասը: Բայց նա նորից կենդանացաւ Սասանեանների հարստութեան օրերում, 226 թւից մինչև 651 թիւը Գրիստոսից յետոյ: Սասանեանների դարեշտրջանը շատ մեծ նշանակութիւն ունի հայ ազգի պատմութեան մէջ: Նրանք ոչ միայն աշխատում էին ստրկացնել հայաստանը քաղաքական տեսակէտից, այլև ստիպում էին հայ ազգին ուրանալ քրիստոնէութեան ճշմարտութիւնները և ընդունել Զրադաշտի կրօնը:

Սկսեալ պարսից թագաւոր Յազկերտ առաջինից (415 թւից) շարունակ փորձեր էին անում՝ մազդէականութիւնը հայերի վրին փաթաթելու համար: Հայ ազգը հաստատ կերպով կուռում էր Գրիստոսի հաւատի համար և Սասանեանների զօրութիւնը չկարո-

դայաւ խորտակել նրանց կրօնական դաւանանքը: Այդ կռիւր կազմում է հայոց պատմութեան ամենափայլուն էջը և Վարդան Մամիկոնեանի ու նրա զինակիցների վարը երբէք հայ ազգը չի մոռանայ:

Ամենամեծ անդթութեամբ հալածուում էր հայերին Յազկերտ երկրորդը, որ ժառանգեց Իրանի դահր Գ. Մ-ից յետոյ 441 թւին: Ի բնէ դռուղ ու պատերազմասէր թագաւորը, որին բացի այդ զբրդուում էր իւր մօտաւոր Միհր-Ներսէհր, նախ ըսկսեց հալածել քրիստոնէաներին իւր սեփական երկրում և յետոյ իւր մօլեզնութիւնը ուղղեց նաև դէպի հայաստան: Զանազան խոստմունքներ անելով, քարշեց նա բոլոր նշանաւոր հայ նախարարներին իւր պալատը և յետոյ, սպառնալով քարուքանդ անել և ամայի դարձնել ամբողջ հայաստանը, ստիպեց նրանց ընդունել մազդէականութիւնը: Այդ ուրացութեան լուրը յուզմունք առաջ բերաւ հայ ժողովրդի մէջ և նա վճռեց ընդդիմանալ զէնքը ձեռին: Երկար տևեց անհաւասար կռիւր Վատակ Սիւնեցու դաւաճանութեան պատճառով, բայց Վարդան Մամիկոնեանի անմոռանալի զործերը փրկեցին հայոց ազգի պատիւը և հաւատը, թէև քաջարի զօրապետը իւր զինակիցների հետ ընկաւ այդ անհաւասար կռիւ մէջ, Աւարայրի դաշտում, Տղմուտ գետի ափին, 451 թւի Յունիսի 2-ին:

Վերջնական հարւած հասցրեց մազդէականու-

թեան մահմէդականների սրշաւանքը: Արաբացիք զբաւելով Պարսկաստանը, սկսեցին հալածել Զրադաշտի հետևողներին և ստիպեցին նրանց մահմէդականութիւն ընդունել: Կրակապաշաների մնացորդները գալթեցին Ննդկաստան, ուր գտան ապաստան և հովանաւորութիւն: Նրանցից ներկայումս Ննդկաստանում կան մօտ 100,000 հօգի, որոնք կազմում են, այսպէս կոչւած, Փարսերի գաղութը, Բօմբէյում: Սա մի բարեկեցիկ ու յարգւած համայնք է, որը յարաբերութիւն է պահպանում Պարսկաստանի (Եղգայի և Բիրմանի) կրակապաշա Գէրրների հետ:

Գ.

Որպէս արդէն յիշել ենք, ըստ մազդէական կրօնի ստտուածային դասակարգութեան պարազուխն է զերազդոյն աստուած Օրմուզդը (Ահուրա-Մազդա, որ նշանակում է այր-իմաստուն)—համապարփակ և ամենազէտ, մշտազոյ և անփոփոխ բարեցակամ, չխաբող և չխաբւող: Նա սրթուն պահապան է և պաշտպան, հատուցում տւող և պատժի ենթարկող է: Նա է բոլոր բարեաց հայրը և ստեղծողը, նա է ստեղծել ստորերկրեայ աղբիւրները, որոնք կեանք են ապլիս բոյսերին, անձրևը, որ ուղղում է հողի մէջ ցանւած սերմերը: Նրա դահր երկնքում է,

յաւիտենական լուսոյ թագաւորութեան մէջ: Նրա դէմքը պատած է անընդհատ փայլով ու փառքով, նա շրջապատուած է հրեշտակապետներով և հրեշտակներով, որոնք կատարում են նրա հրամանները: Հաւատացեալները կոչում են Օրմուզդին ամենամեծ, զերազանց, ամենախելացի, ահեղ, սրբագոյն, իմաստնագոյն, լաւագոյն և ամենաերջանիկ:

Իւր բնաւորութեամբ Օրմուզդը ամենից առաւել մօտենում է հրէական Եհովային: Սակայն Օրմուզդը, ամենազէտ և ամենախելացի լինելով հանդերձ, ամենակարող չէ: Խաւարի հողին Ահրիմանը նրա մշտակայ հակառակորդն է, որ խորտակում է ամենայն բարիք, թէև Ահրիմանի իշխանութիւնը մշանչենաւոր չէ, իսկ Օրմուզդը եղել է և միշտ կր լինի: Զրազաշտի ասելով, Օրմուզդից և Ահրիմանից առաջ գոյութիւն է ունեցել նախա-յաւիտենական կամ ծայրագոյն Աստուած, որը և ստեղծել է Օրմուզդին և Ահրիմանին: Իսկ Օրմուզդը ինքը չէ ստեղծել աշխարհքը ինքնաբերաբար, այլ Նախա-յաւիտենականի հրամանով, որը անասելի բարձր է և միանգամայն անմատչելի՝ մարդկային մտքի համար:

Իւր աստուածային գործունէութեան մէջ Օրմուզդը ունի օգնականներ՝ ի դէմս հրեշտակապետների և հրեշտակների:

Օրմուզդի անմիջական օգնականներ են հրեշ-

տակապետները, որոնք կոչւում են ամշասպանդներ: Սրանք թւով վեց են հետեւեալ անուններով և կոչմամբ.

Վոհու - Մանօ բարի հողին, հօտերի հովանաւոր.

Սշա - Վահիստա ամենամաքուրը, ամենասուրբը, կրակի պահպանը.

Սպէնաա - Արմաիտի իմաստնագոյնը, երկրի աստուածուհին.

Կշաթրա - Վաիրիա ցանկալի տիրապետութիւն.

Հաուրավատատ բուժիչը.

Ամէրէտատ անմահութիւն պարզեողը:

Ժամանակի ընթացքում ամշասպանդներին յատկացրին և ուրիշ պաշտօններ: Վոհու-Մանօս դարձաւ խաղաղութեան հանձարը և բարեկեցութեան մատակարարը: Սշա-Վահիստան համարեց Իրանի հովանաւորը, բժշկականութեան հանձարը, երկրի վրա տիրապետող նախանձի վերացնողը. նա հալածում է ամբարտաւաններին, կախարդներին, որկրամոլ գայլերին, հիւսիսային սարսափելի մըրրիկները, յաղթում է թուրանցիներին—այդ ղեւերին, որոնք, որպէս ասում է Զրազաշտը, տասնեակ հազարներով իջնում են հիւսիսից՝ յափշտակութիւններ անելու համար: Հաուրավատատը հսկում է տարւայ եղանակների, ամիսների, օրերի բաժանակարգը:



վրա: Ամէրատատր կեանք ու զօրութիւն է տալիս բոյսերին, պտղատու և այլ ծառերին:

Ամշասպանդները, Օրմուզգլի օգնականները նորա կազմակերպական գործունէութեան մէջ մի քանի դէպքերում նորա ներկայացուցիչներն էլ են: Հրեշտակապետներից մի աստիճան ցածր համարում են հրեշտակները—ի դէպքերը, որոնք ցրած են տիեզերքի մէջ մեծ քանակութեամբ: Դոցա թւին պատկանում է Ա. թ ա թ, Օրմուզգլի որդին, որը միջնորդ է աստուածների և մարդու մէջ: Նոյն դասակարգին են վերաբերում՝ Ա. բ ա ն — մաքուր շրերի և հիւթերի պահապանը, Խ ու ը շ ի դ — արեգակի հրեշտակը, Մ ա հ — լուսնի հրեշտակը, Տ ի ը ը — դանազան աստղերի հրեշտակը, Հ ա օ մ ա — բուժիչ և արդիւնաբեր հրեշտակը, որի անունով կոչում էր մի սրբազան բոյս, որից ստացւող հիւթը գործադրում էին զոհաբերութիւնների ժամանակ: Վերջապէս այդ կարգին էր վերաբերում Մ ի թ ը ա — անմշակ երկրի բեղմնաւորող հրեշտակը և ուրիշ բազմաթիւ իզեղներ:

Իզեղների շարքում Զրադաշտի երկնային դասակարգութեան մէջ գոյութիւն ունէին մարդու պահապան հրեշտակները—Փրավարշները կամ Փ է թ ու է ը ն ե ը ը: Սրանք կազմում են իւրաքանչիւր մարդու հոգոյ երկւորեակը: Օրմուզգլը և իւր հրեշտակները նոյնպէս ունէին իրանց Փրավարշները: Այդ

պահապան հրեշտակները մարդու մահից յետոյ էլ մնում են նրա հոգոյ հետ, որպէս զի հարկաւոր ժամանակին մարդկային հոգին ներկայանայ Օրմուզգլի դատաստանի առաջ իւր պահապան հրեշտակի հետ միասին:

Զրադաշտի պատէրի համեմատ, Իրանցիները չպիտի պարծենան իրանց գործերով և յաջողութիւններով, որովհետեւ նրանք իրանց առաքինութիւններով պարտական են այն աստուածային հոգուն, որը միշտ նրանց հետ է Փրավարշի կերպարանքով:

Դ.

Աստուածային բարութեան ներկայացուցիչների հետ մի շարքում գոյութիւն ունեն ողիներ, որոնք թէև զօրեղ են, բայց և վնասակար են. սրանց վրա իշխում է չարի աստուած Ահրիմանը:

Հրեշտակների օգտակար գործունէութիւնը անհետեանք դարձնելու համար Ահրիմանը ստեղծել է չար ողիներին—դևերին: Դևերի պարագլուխներն են դարվանդները, որոնք համապատասխան են Օրմուզգլի ամշասպանդներին: Դարվանդները նոյնպէս թւով վեց են, որոնցից կը յիշենք Անդրամանահին հոգսերի և բարոյական տանջանքների ծնողն է՝ Աշա-Վահիստա հրեշտակապետի հակառակորդը: Միւս դևերի շարքում տեսնում ենք. Ա. է ս.

ման—բարկութեան ու բռնութեան դէր, Աստու-
վիդհոտուն—մահւան հանձարը, պահապան հրեշ-
տակների ամենամեծ թշնամին, և այլն:

Իւերը լինում են արական և իգական: Վեր-
ջիններին վերաբերում են դրոժները, որոնք
զանազան կերպարանք են ստանում մարդկանց
զայթակղացներու համար. այդ կին-դէերի շար-
քում ամենավտանգաւորներն են Բիւրտին-խո-
րամանկութեան դէր, Նասուն—ապականութեան
դէր, և Եահին—անամօթութեան դէր: Միւս կին-
դէերը կոչւում էին Պաիրիկաս և Եանիս:

Մազդէիզմի հետևողները, որքան ոյժ ունեն,
պիտի կուեն Ահրիմանի և նրա հպատակ չար ոգի-
ների դէմ, որպէս զի նրանք չը մոլորեցնեն մարդկու-
թիւնը և չը խորտակեն տիեզերքը: Հաւատացեալ-
ները պիտի ոգևորւեն այն յոյսով, որ ապագայ-
ում բարին յաղթող է հանդիսանալու, իսկ չարը
պարտութիւն է կրելու: Այդ վարկեանը կարող են
մտեցնել ճմարիտ հաւատացեալները իրենց աղօթ-
քներով: Զրադաշտը պահանջում է, որ հաւատա-
ցեալները ըստ կարելոյն յաճախ աղօթեն. աղօթին
Անսկզբնականին, աղօթեն Օրմուզդին, նրա հրեշտա-
կապետներին և հրեշտակներին: Միւս կողմից ան-
հրաժեշտ են բազմաթիւ զոհաբերութիւններ և
կեանքի սրբութիւն:

Իէպի Օրմուզդը իրանցին դառնում է հետե-

ւեալ աղօթքով. «Օ՛, Օ՛րմուզդ, յաւիտեանս փայլող,
լոյսով շողողացող՝ այս աշխարհի անվերջ տևողու-
թեան ընթացքում և մինչ յարութեան օրը՝ ընծա-
յիւր ինձ բաղդաւոր ու փառաւոր կեանք: Շնորհիւր
ինձ առատ սնունդ, բարօրութիւն, բազմաթիւ ե-
րեխաներ, շնորհիւր ինձ դիտութիւն, քաղցրախօս
լեզու, խելք և ապագան նախագուշակելու ընդու-
նակութիւն, շնորհիւր ինձ ընդունակ երեխաներ,
որոնք ինձ հնարաւորութիւն տան՝ դրախտին ար-
ժանանալու և ազատեն ինձ հարստահարութիւննե-
րից, շնորհիւր իմ հոգուն յաւիտենական հան-
գստութիւն»...

Պարսիկների մէջ աստուածութիւնը չէին պատ-
կերացնում արձանագործութեան կամ նկարչու-
թեան միջոցով: Օրմուզդի պատկերը համարւում էր
կրակը: Ամբողջ բնութիւնը համարւում էր իբր մի
փառահեղ տաճար:

Բարձրագոյն, նախաշաւիտենական, վերին Աս-
տուծոյ հրամանով Օրմուզդը ստեղծել է տիեզերքը
360 օրուայ ընթացքում և սրանից բաց՝ 5 օր էլ
հանգստութեան է յատկացրել:

45	օրուայ	ընթացքում	նա	ստեղծել	է	երկինքը	(սկսե. մարտի. 1-ց)
65	«	«	«	«	«	ջուրը	«
75	«	«	«	«	«	երկերը	«
30	«	«	«	«	«	ճառերը և բոյսերը	«
80	«	«	«	«	«	կենդանիներին	«
65	«	«	«	«	«	մարդուն	«

Օրմուզըր, ստեղծելով մարդկային զոյգը, միա-
ժամանակ ստեղծել է և բեղմնաւորութեան տա-
րըը՝ ի դէմն միստիկական եղան, որը զօրեղ է, բա-
րի և անարատ:

Չարի ոգի՝ Ահրիմանը ստեղծում է ձմեռը, սա-
ռնամանիքը, անտանելի շոգը, թերահաստութիւ-
նը, արատները, կրքերը, ոճիրը, հիւանդութիւննե-
րը, հաշմանդամութիւնը, վնասակար և անմաքուր
կենդանիները: Ահրիմանը թէև չարիք ստեղծելու
զօրութիւն ունի, բայց իւր արածներն ու գործե-
րի հետեանքը զիտակցելու և նախատեսելու ըն-
դունակութիւն չունի: Նա սպանում է մարդկային
զոյգը և եզր, բայց սպանւած եղան մարմնից բուս-
նում են օգտակար բոյսեր և ծնւում է անասուն-
ների մի զոյգ—արուն և էզր. այդ զոյգը սկիզբ է
տալիս 272 տեսակ զանազան անասունների, ո-
րոնցից ամենամեծ յարգանքը վայելում են՝ եզր,
շունը և շրշունը: Իսկ սպանւած մարդկային զոյգի
մարմնից նորից ծնւում ու յառաջ է դալիս մարդ-
կութիւնը:

Մազդէականութեան հետեոյնները հօգին ան-
մահ են համարում: Մարդու մահից յետոյ հօգին
ներկայանում է Սրաօղա, Միթրա ու Ռիսնա
իդէդներն դատաստանի առաջ: Եթէ այդ իդէդները
անմեղ են դտնում հօգին, ապա ուղարկում են նրան
դրախտ: Հօգին նախ անցնում է Մինվակ ան-

28
58
59

դունդի վրա ընկած Տչինվատ կամուրջը, որը
միացնում է երկիրը երկնքի հետ, ապա մանում է
Գարատման կոչւած դրախտը: Դրախտը ունի երեք
աստիճան. ամենաբարձր աստիճանի վրա ապրում է
Օրմուզըր իւր հրեշտակապետների հետ: Իսկ եթէ
հօգին ծանրաբեռնւած է զանազան մեղքերով, ապա
Վիզարէսա դէր բռնում է նրան, շղթայում և
կամուրջից նետում է դժոզքի անդունդը:

Դրախտը և դժոզքը գոյութիւն կ'ունենան մին-
չև ննչեցեալների ընդհանրական յարութիւնը, երբ
կը յայտնւի Զրադաշտի երրորդ յաջօրը—Սօզի-
աթը: Այն ժամանակ կը կորուսւի Ահրիմանը իւր
դեերի հետ միասին, կը քանդուի դժոխքը, կը սկսուի
բարութեան ու սրբութեան թագաւորութիւնը:

Ե.

Կրօնական ծիսակատարութեան համար գոյու-
թիւն ունէր քուրմերի Ատրափան կամ Մօգ
կոչւած դասակարգը: Բայց այդ դասակարգը սահմա
նափակւած չէր, որպէս հնդկաստանի և Եգիպտոսի
կաստանները, թէև ժառանգական էր, մանաւանդ
միդիական ծագում ունեցող շատ ընտանիքների
համար:

Քուրըր պարտաւոր էր պաշտամունք կատա-
րել, հօգալ պատանեկութեան և առհասարակ բո-
լոր հաւատացեալների կրօնական դաստիարակու-

Թիւնը: Նա վարում էր մեղաթողութեան ծէսերը և կատարում էր կարճառօտ աղօթքներ ծննդեան, ամուսնութեան և մահւան դէպքերում: Թաղման ժամանակ զոհաբերութիւն տեղի չէր ունենում: Մարմինը տանում զնում էին բլուրների զազաթների վրայ կամ թէ բնակատեղիներից ու ջրերից հեռու, յատկապէս կառուցւած շէնքսերի կառուրների վրա: Այնտեղ դիշատիչ թռչունները և վայրենի զազանները լափում էին մարմինները և միայն մնացած ոսկորներն էին գերեզմանին յանձնում:

Զոհաբերութիւնը կատարւում էր միայն քուրմի ձեռքով: Սեղանը կամ խարոյկը բայցօղեայ էր: Իրանցիների մէջ գոյութիւն ունէր կրօնական մօնումէնտի միայն մի տիպարը—ա թ է շ զ ա հ ը—մի տեսակ օջախ, ուր քրմերը պահպանում էին սրբազան կրակը: Հաւատացեալները մատակարարում էին զոհաբերութեան հարկաւոր առարկաները, վառելու փայտ, թարմ միս, հաօմա կոչւած բոյսը, որը հաւանդի մէջ ծեծելով, ստանում էին նոյն անունը կրող սրբազան խմելիքը: Զոհաբերութեան ամենակարեւոր գործը հաօմա խմելիքի պատրաստելն էր:

Սրբազան արարողութեան ժամանակ քուրմը կրում էր իւր բերանին—պայտի ցանա—կոչւած կապանքը, որպէսզի իւր շնչով չը պղծէր կրակը կամ հաօմա խմելիքը: Իսկ ձեռքին քուրմը ունէր կանաչ ձիւղերի մի խուրձ, որով նա աղօթքի և մաղ-

թանքի ժամանակ սրբազան ջուր էր շաղ տալիս հանդիսականների վրա:

Բերւած մնի վրա քուրմը կատարում էր զանազան ծէսեր, այդպիսի միսը կոչւում էր զուր: Քուրմը՝ կանգնած, խուրձը ձեռքին, աղօթք էր կարդում—և միսը ուտելով խմում էր հօմ կոչւած հեղուկը, սրա համար նշանակւած առանձին բաժակից: Այդպիսով քուրմը ժողովրդի առաջ ծաշակում էր նւիրագործւած մասունքը՝ մնի և հօմի ձեռով: Հօմը երկու տեսակի էր, սպիտակ, որ ջրի կամ կաթի պատկերն էր ներկայացնում և դեղին՝—ոսկու գոյնի: Վերջինս սիրւած խմելիք էր, նա բարձրացնում էր հողին և ուրախ տրամադրութիւն էր տալիս նրան:

Քրմերի ամենադիտաւոր պարտաւորութիւնն էր սրբազան կրակի պահպանութիւնը: Իսկապէս ասած, հաւատացեալները սրբազան կրակին էին նուիրում բոլոր նիւթերը՝ կաթը, հօմը, սերմնահատիկները, միսը որով և կերակրւում էին քրմերը: Պատարազի համար քուրմը պիտի ունենար, ի միջի այլոց, պէկ ան կոչւած դանակը և հավան կոչւած բաժակը:

Պաշտամունքի ժամանակ քուրմը դառնում էր դէպի ժողովուրդը և, ձեռները դէպի երկինք բարձրացնելով, օրհնում էր ներկայ եղողներին ասելով. «խաղաղութիւն լինի ձեզ հետ»:

Զրադաշտի կրօնը ունի անթիւ աղօթքներ, որոնք կամ երգի եղանակով կարդացուած էին կամ թէ կարդուած էին երգի դաշնակցութեամբ: Իւրաքանչիւր դէպքի կամ մաղթանքի համար գոյութիւն ունէր մի որոշ աղօթք: Աղօթքները ուղղւած էին դէպի Օրմուզդը, հրեշտակապետները և հրեշտակները: Իւրաքանչիւր աստղ, իւրաքանչիւր սար կամ դետ, բնութեան իւրաքանչիւր երեւոյթ ունէր իւր առանձին աղօթքը: Կեանքի բոլոր հանգամանքները ունէին իրանց պատշաճ աղօթքները:

Զրադաշտի ուսուցման համեմատ հաւատացեալների պարտաւորութիւնն է հոգալ քրմերի նիւթական կարիքները, որովհետեւ սրանք, կատարելով իրանց կոչումը, հնար չունէին իրանց գոյութիւնը ապահովելու անձնական աշխատանքով: Գուրմը, որ ամենքի համար աղօթք է անում, պիտի պաշտպանութիւն գտնի ամենքի կողմից: Հաւատացեալների ձեռքով ապահովւած լինելով, քուրմը կատարում է իւր պարտաւորութիւնները խնամքով, յերեկ ու զիշեր աղօթք է անում աստուածալսութեամբ, սրբութեամբ ու շերմեռանդութեամբ:

Զ.

Զրադաշտին վերադրուող սրբազան զրքերի թիւը 21 է, բայց սրանց մեծ մասը, ըստ իրանական աւանդութեան, Աղէքսանդր Մակեդոնացու հրամանով

այրել են: Ներկայումս Զրադաշտի հետեւող Պարսերը ունին ընդամենը 7 զիրք:

Սրբազան զրքերի զլիսաւորը Զէնդ - Ավէստան է, որ կոչուած է նոյնպէս Վէնդիդադ - Զադէ Սա ամբողջ դաւանանքի համագումարն է:

Զէնդ-Ավէստան բաղկացած է երեք մասից.

1) Վէնդիդադ, որ պարունակում է իւր մէջ Օրմուզդի կողմից Զրադաշտին տրւած բերանացի խրատները և ցուցմունքները: Վէնդիդադ նշանակում է «տրւած դեերի դէմ»: Այդ զիրքը բաժանւած է 22 մասերի կամ Փարզարդների: Առաջին ու երկրորդ Փարզարդի մէջ գտնուում են Օրմուզդի յայանութիւնները Զրադաշտին՝ իւր գործերին վերաբերեալ և Ահրիմանի՝ Աստուածութեան այդ յաւիտենական թշնամու արարքների մասին: Հետեւեալ տասնութերեք Փարզարդները բացատրում են մաղդէականութեան հետեւորդների պարտաւորութիւնները: 18-դ և 19-դ Փարզարդները աւետում են մեռեալների յարութիւնը և Օրմուզդի զերջնական յաղթանակը, փառաբանելով այդ աստուծոյ թագաւորութիւնն ու փառքը: 20-դ Փարզարդը խօսում է բնութեան բարեփոխելու մասին, որ տեղի է ունեցել Օրմուզդի ողորմութեամբ. 21-դ Փարզարդը բացատրում է մարդու էութիւնը և որոշում է աիեղերքի տեղութիւնը: 22-դ Փարզարդը նւիրւած է Զրադաշտի միսսիային:

2) Վիսպէրէզ կոչւած ծիսակատարութեան զիրքը, որ բացատրում և արծարծում է կրօնի պաշտամունքը:

3) Եասնա—ծիսակատարութեան մի ժողովածու, որը արծարծում է զոհարերութեան կարգը:

Վերջին երկու զրքերի մէջ ամենամաքուր և վեհ օրհնանքների հետ մի շարքում պատահում են չնչին մանրամասնութիւններ և ճշգրիտ ցուցմունքներ կրօնական ծէսերի մասին:

Միւս զիրքը կոչւում է Խորդ-Սվէստա: Նա պարունակում է իւր մէջ այսպէս կոչւած Եշտը կամ թէ գանձերի (շարականների) ժողովածուն: Այդ զրքի մէջ կան 18 հատուածներ, կրօնական գործողութիւնների վերաբերեալ, ցուցմունքներ կրօնական ծէսերի մասին և սուղի գանձեր: Փամանակի ընթացքում Եշտի սկզբնական բովանդակութեան հետզհետէ աւելացել են նոր աղօթքներ, աւետիքներ, պատուերներ, զբաղ զէնդական, պահլաւական և պարսկական լեզուներով: Այն ժողովածուն, ուր դիտեղւած են բոլոր այդ հատուածները կոչւում է նոյնպէս Եշտ-Չադէ:

Յիշուած զրքերից բաց գոյութիւն ունի, ի միջի այլոց, և Բունդէհէշ զիրքը, որ արարչագործութեան վերաբերող մի տրակտատ է, ուր խօսվում է արարածների ծագման և տիեզերքի կազ-

մակերպութեան մասին: Այդ զիրքը համեմատաբար ամենանորն է, սրա բովանդակութեան մեծ մասը վերաբերում է Սասանեանների դարեշրջանին:

Է.

Զրադաշտի ուսուցման համաձայն, այն հաւատացեալն է կատարեալ, որը մաքուր է հոգով ու մարմնով: Մարմնի մաքրութեան աննպաստ բոլոր հանգամանքները նախատեսուած են Զէնդ-Սվէստայի պատուերների մէջ: Զրադաշտը վերաբերում է դէպի ամեն մի անմաքրութիւն այնպիսի զղւանքով, որ ճիպտաներով ծեծելու պատիժ (գանակոծութիւն է) նշանակում այն մարդուն, որը ոտքը կը մըտցնի կեղտաչքի մէջ:

Անմաքուր կարելի է դառնալ երկու ճանապարհով. միջապէս և անմիջապէս: Անմիջական մեղաւոր կամ համբիդ նա է, ով մի անմաքուր առարկայի է դիպել, օրինակ դիակի, դէշի, կրտած եղունգների, կտրած մազերի, կամ թէ կնոջ հագուստին՝ նրա ամսականի շրջանում: Պիտրիդ կոչւած մեղաւորը նա է, ով կպել է համբիդին, գիտակցաբար թէ պատահմամբ: Որպէս զի նորից մաքուր դրութիւն ստանան, համբիդները և պիտրիդները պիտի ենթարկւէին մի շարք մաքրացումների, որ խստութեամբ որոշուած էին օրէնքով: Մաքրացումը կատարւում էր առանձին, մի

կղզիացած տեղում, որտեղ չը պիտի լինէր ոչ ջուր, ոչ բուսականութիւն: Առանձին պատրաստած տարածութեան վրա շարում էին կարգով տափարակ մեծ քարեր, որոնց վրայ տեղ էին գտնում մաքրացման ենթարկուող մեղաւորները:

Մաքրացումը կատարում էր քուրմը, որը վարժուած էր այդ գործի մէջ: Մաքրացման ծէսը շատ բարդ է: Քուրմը պիտի հոգար մաքրացման տեղի կատարեալ հարթութեան մասին, որպէսզի ջուրը ոչ մի տեղ կանգ չառնէր և լճակներ չը դոյսոյնէր: Ջուրը պիտի ցայտումներ չանէր, ծիսակատարութիւնը պիտի տեղի ունենար պատշաճաւոր լրջութեամբ, որպէս զի մի քանի օտարոտի հանգամանքներ չը վնասէին հաւատացեալի շերմեռանդութեանը: Քուրմը ջուր էր անում մեղաւորի վրա երկաթեայ և արծիճեայ մեծ դպակներով:

Երբեմն մաքրացման գործողութիւնը շարունակուում էր 9 օր, որի ընթացքում մեղաւորը կատարում էր լուացումը ջրով, անուշահոտ հեղուկներով, կովի մէղով և այլն:

Ըստ Ջրագաշտի կրօնի ամենամեծ մեղքն է կրակի, ջրի և հողի պղծելը—որ տեղի էր ունենում, եթէ դիակ կամ գէշ էին դցում ջրի մէջ, կամ այրում էին կրակով: Սյդպիսի յանցանքը աններելի էր և ամբարիշտը պիտի անպատճառ պատժէր խիստ կերպով:

Մնացեալ մեղքերը, օրինակ՝ ստախօսութիւնը, երդմնազանցութիւնը, բռնութիւնը և այլն կարելի էր քաւել բարի գործեր կատարելով, օրինակ՝ վնասակար կենդանիներ ոչնչացնելով, ինչպէս՝ օձեր, կարիճներ, գորտեր, մկներ և այլն:

Կրօնական պատուէրների հետ մի շարքում Ջրագաշտը տալիս է նաև խրատներ՝ բարոյական, հասարակական, տնտեսական և քաղաքական: Ջրագաշտի գլխաւոր ցանկութիւնն էր՝ վերածնել իրանական ազգը աշխատանքի միջոցով, սովորցնել նրան հողագործութեան լաւագոյն միջոցները, ապահովել ազգաբնակչութեան աճեցողութիւնը: Ջրագաշտը ամենաաղին զբաղմունքն է համարում հողագործութիւնը, ուստի և մասնացոյց է լինում հողի մշակութեան աւելի լաւ միջոցների վրա: «Նարկաւոր է—ասում է Ջրագաշտը—գողուել հողը, սիրել նրան, որպէս մի դեղեցիկ աղջկայ և պարտաւորացնել, որ արատ պտուղ բերէ»:

Օրմուղը Ջրագաշտին տւած պատուէրների մէջ յայտնում է, թէ այն մարդը, որ սերմանում է, համարեա կեանք է տալիս հարիւր էակների և նրա գործը հաւասար է 10,000 աղօթքի:

Հողագործութեան մէջ է կայանում ազգերի բարեկեցութիւնը—այդպէս է սովորցնում Ջրագաշտը—Օրմուղը համար ամենաղուրեկան աղօթքը հողագործի աղօթքն է:

Զրադաշտը մատնացոյց է անում երկրի մշակութեան լաւագոյն եղանակների վրա:

Սերմեր ցանել միւսնոյն է թէ դէեր փչացնել, և որքան աւելի կատարել այդ գործը, այնքան դուրեղ կրլինի դէերին հասցրած հարւածը:

Հողագործութեան հետ միասին Զրադաշտը մեծ ուշադրութիւն է դարձնում ոռոգման գործի վրա, որովհետեւ առանց այդ՝ չէ կարելի երկրից առատ արդիւնք ստանալ: Զրանցքների միջոցով ջուր մատակարարելը առաջնակարգ աշխատանք է համարւում: Զրանցքներ փորել նշանակում է կրօնական պաշտամունք կատարել: Այս դէպքում պէտք է խնամքով գործել և մշտապէս ուշադրութիւն ցոյց տալ:

Առհասարակ ջուրը մեծ նշանակութիւն ունի մազդէականութեան մէջ: Զուրը երկնքի թագուհին է, Օրմուզդի աղջիկն է: Պիտի ամեն միջոց գործ դրւելը, որ ջուրը չը պղծւէր, և այդ կանոնը քանդողը պատժւում էր կաշեղէն մտրակով, կամ թէ վճարում էր 200 դիրխէմ տուգանք:

Իրանում ջրի պաշտելը բացատրւում է նոյնպէս երկրի սակաւաջուր բնաւորութեամբ և, երեւի, մինչև Զրադաշտի օրերը դոյութիւն ունցող այն վատ սովորութեամբ, որ կենդանիների գէշերը նետում էին լճերի, դէտակների և ջրհորների մէջ և այդպիսով վարակում էին կեանքին այնքան անհրաժեշտ տարրը:

Զրադաշտի ուսուցման համեմատ, աստուածահաճոյ գործ էր համարւում ջրային աղբիւրներ գտնելը, և այն մարդը, որը ջուր կը գտնէր, դուր կը դար Օրմուզդին: Զրադաշտը հաւասարապէս ուշադրութիւն է դարձնում անասնապահութեան վրա, նոյն իսկ կանոններ է տալիս ոչխարների մերքաւորութեան, հօտերի սնունդի և հովիւների ընտրութեան մասին: Նա պատւիրում է հոգ տանել և միւս օգտակար կենդանիներին: Առանձին յարգանք է վայելում նրա աչքին շունը, մարդու հաւատարիմ ուղեկիցը: Խիստ պատժի է ենթարկւում այն մարդը, որ կրծեճէ իւր շանը: «Գողը և գայլերը— ասում է Զրադաշտը— տեսնելով այդպիսի վարմունքը (շան ծեծելը), կը դառնան փողոցների տիրապետները և ապահովութիւնը կը չքանայ»: Իրանի մարդարէն սպառնում է մահւան պատժի ենթարկել այն մարդուն, որը կրկին ու կրկին կը ծեծէ շանը կամ վերքեր կը հասցնէ նրան: Միւս կողմից շան համար էլ զանազան պատիժներ են նշանակւած: Եթէ շունը խածնէ մարդուն, կամ որևէ տնային կենդանու, առաջին անգամ պէտք է կրտրել շան աչ ականջը, երկրորդ անգամ՝ ձախ ականջը, երրորդ անգամ՝ պէտք է վերք հասցնել նրա աչ ոտին, չորրորդ անգամ՝ ձախ ոտին, հինգերորդ անգամ՝ կտրել պոչը: Եթէ դարձեալ շունը կը շարունակէ խածնել— հարկաւոր է նրան սպանել:

Պատելրած է լաւ կերակրել շանը, չտալ սոված շանը հում կամ թարմ ճարպ. հակառակ վարւոյը պիտի պատժւի:

Ը.

Ընտանիքի կազմակերպութիւնը չը վրիպեց Զրադաշտի ուշադրութիւնից: Ամուսնութիւնը պատելրում է աշխարհականներին և հոգեւորականներին: Կինը, մազդէականութեան հայեացքով, մարդկային կեանքի անհրաժեշտ ուղեկիցն է: Առանց կնոջ չկայ մարդու համար ոչ ուրախութիւն, ոչ կատարեալ բաղդաւորութիւն այս աշխարհում: Համաձայն Վէնդիզազ կոչած սրբազան զրքերի, անկին մարդը ցածր է ամեն մի արարածից: Ամուսնական միութիւնը ամենադուրեկան դործողութիւնն է համարւում Օրմուզդի աչքին: Բազմակնութիւնը թէև թոյլատրւում էր, բայց շատ հազիւ էր պատահում:

Պսակազրութիւնը կատարւում էր հոգեւորականի ձեռքով, հարսնացուի հօր կամ խնամակալի ներկայութեամբ, որը քուրմի հարցին պատասխանելով յայտնում էր թէ ինքը համաձայն է մարդու տալ իւր աղջկան կամ սանին: Ապա քուրմը դառնալով դէպի փեսան ասում էր. «Ի՞նչ վերցնում էք այս աղջկան որպէս կին, որ նրանից ժառանգ ունենար»: Փեսան հաստատում էր քուրմի

խօսքը, որից յետոյ քուրմը արտասանում էր ն էք ա կոչւած հանդիսաւոր օրհնանքը, որ բաղկանում էր զլխաւորապէս բարոյական խրատներից և բարեմադ-թութիւններից: Այսպէս օրինակ.

«Յանուն Օրմուզդի

«Իմացէք ինչ մաքուր է և չը պղծւած:

«Պատշաճաւոր կերպով, բարիք դործելիս աշխատեցէք լաւ մտածել և լաւ խօսել:

«Տեռացէք ամեն մի վատ մտքից, չափաւորեցէք այն, ինչ որ վատ է ասւած, մի խօսքով փչացրէք վատ դործերը:

«Փչացրէք կախարդութիւնը:

«Ճշմարտութիւնը խօսեցէք այս աշխարհի դօրեղների առաջ:

«Բարեկամների շրջանում աշխատեցէք լինել սիրալիր և ունենալ բարեացակամ հայեացք:

«Զարութիւն միք անիլ մերձաւորին:

«Զայրոյթի դէպքում չափը միք անցկայնիլ:

«Կեղծ ամօթից ստիպւած վատ բան միք անիլ:

«Միք ենթարկելի ժլատութեան, բռնութեան, նախանձին, ազահութեան, պարծենկոտութեան և ունայնութեան: Օրհնքին միք հակառակիլ:

«Միք սեփականացնիլ ուրիշի կայքը և միք ցանկանալ մերձաւորի կնոջը:

- « Միք վիճիլ նախանձոտ մարդու հետ:
- « Միք պաշտպանիլ ժլատին:
- « Միք բարեկամանալ այն մարդկանց հետ, որոնք իրանց մերձաւորին չարութիւն են անում:
- « Միք բարեկամանալ վատ բնաւորութիւն ունեցող և դէպի չարը հակաճ մարդկանց հետ:
- « Թշնամուն պատասխանեցէք մեղմութեամբ:
- « Վաս զործ միք զործիլ, մանաւանդ հասարակ և անուսում մարդկանց ներկայութեամբ:
- « Խելացի խօսեցէք ժողովատեղիներում և համեստութեամբ՝ թագաւորների առաջ:
- « Աշխատեցէք աւելի փառք ունենալ, քան ձեր մայրը:
- « Ոչինչ վատութիւն միք անիլ ձեր մօրը:
- « Բարեկամ եղէք ձեր կնոջը, ձեր եղբայրներին և ձեր երեխաներին:

Զրադաշար բարձր նշանակութիւն է տալիս իրանցի կնոջ և ընդունակ է համարում նրան՝ աչքի ընկնող զրութիւն ունենալու և նոյն իսկ տիրող լինելու: Բայց մի կէտում մարգարէն անգութ ու անողորք է դէպի կինը և նոյն իսկ ենթարկում է նրան օտարակիզմի զարհուրելի պատժին: Սյդ բանը տեղի է ունենում գաշտանի ու ծննդաբերութեան ժամանակ, երբ մարգարէն կնոջը պղծած է համա-

րում: Որքան էլ բարձր լինի կնոջ զրութիւնը, նա յիշեալ ժամանակամիջոցում ենթարկւում է առանձնացման և անշատման. նրան փակում են առանձին բնակարաններում, ուր նա ենթարկւում է մաքրացման անարգ և ձանձրալի գործողութիւններին: Սյդ ժամանակ կինը իրաւունք չունի կրակ տեսնելու, որովհետեւ նրա հայեացքն անգամ կարող է պղծել սրբազան տարրը:

Խիստ էր օրէնքը նոյնպէս դէպի «յանցաւոր» սիրահարութիւնը: Սյդ դէպքում եթէ մեղաւոր տղամարդը հրաժարէր ամուսնանալուց կամ երեխային հոգ տանելուց, երեսայի մայրը իրաւունք ունէր յանցաւորին սպանելու:

Մեծ են Զրադաշտի ուսուցման ծառայութիւնները իրանական ժողովրդին: Մարգարէն, որպէս տեսնում ենք, աշխատում էր կազմակերպել, կարգաւորել բարոյականութիւնը, սովորցնել իւր հայրենակիցներին: Նրա նպատակն էր իւր խրատներով նպաստել իրանական ժողովրդի մտքի, ոյժի և ընդունակութեան զարգացման, որպէս զի նա կարողանայ ապրել բաղդաւոր, բարեկեցիկ պաշտպանել իւր կայքը և բարեկեցութիւնը՝ իւր երգւեալ թշնամի թուրանցիների դէմ, որոնք միշտ պատրաստ էին խորսակելու իրանցոյ բարեկեցութիւնը: Զրադաշտի նպատակն էր նոյնպէս՝ անհետացնել ազիտութիւնը, որը քայքայում է հասարակական

կազմը, և ազատ ասպարէզ է տալիս վնասակար կրքերին:

Իրանական մարդարէի կրօնը մագդէականութիւնից բաց ունի և ուրիշ անուններ, օրինակ՝ պարսի դմ, գուլի դմ, կրակապաշտութիւն և գորօաստրի դմ:

Թ.

Եւրոպական գիտնականներին վաղուց գրաւում էր Զրադաշտի հետաքրքիր ուսուցմունքը: Զրադաշտի կրօնին վերաբերեալ առաջին աշխատութիւնը լոյս տեսաւ Փրանսիայում: Սրա հեղինակը Բրիտանոն էր, որը դեռ 1590 թւին բաւական ճշտութեամբ ու խնամքով հաւաքեց այն բոլորը, ինչ որ զրեւ էին հին գրողները Զրադաշտի կրօնի, նախնի պարսիկների դաւանանքի և ծէսերի մասին:

1754 թւին, Ecole des langues orientales-ի մի քսանամեայ ունկընդիր Անկէտիլ-Դիւպերոն, պատահամբ ծանօթացաւ Վէնգի դադի մի քանի թերթիկների հետ, որոնք պատկանում էին Օկսֆորդի գրադարանին և վճռեց, ինչպէս էլ լինի, տալ իւր հայրենիքին Զրադաշտի սրբազան գրքերի թէ բնադիրները և թէ թարգմանութիւններ: Իւր նպատակին հասնելու համար Անկէտիլը անհրաժեշտ համարեց չնդհատան դնալ, ուր ապրում էին Պարսերը, այսինքն, Պարսկաստանից Իս-

լամի ձեռքով դուրս վռնդւած Զրադաշտի հեռու դիւերի սերունդները:

Անկէտիլ—Դիւպերոնը մտնում է որպէս հասարակ կամաւոր չնդհական ընկերութեան ծառայութեան մէջ և հեռանում է Փրանսիայից: Նա գնում է Պոնդիշերի և մի շարք բազմատեսակ արկածներից, դժւարութիւնից և արդէքներից յետոյ, երրորդ տարին հասնում է Սուրաթ, ուր Պարսերը ապրում էին:

Սուրաթում հանդիպեցին նրան ուրիշ տեսակի դժւարութիւններ--անխտահարութիւն ու կասկածանք Պարսերի կողմից: Միայն շնորհիւ այն հանգամանքի, որ այդ ժամանակ Պարսերի համայնքի մէջ տարաձայնութիւն էր տիրում, Անկէտիլին յաջողեց ծանօթանալ Պարսերի դաւանապաշտութեան և սրբազան գրքերի հետ: Համայնքի մէջ երկպառակութիւնները առաջ էին եկել մի գիտնական Պարսի, Իաստուր-Իարաբի օրացոյցը բարեկարգելու մասին արած, առաջարկութեան պատճառով: Չնոգաւանները, որ պահպանում էին հին կարգերը, յաղթող հանդիսացան և ստիպեցին Իաստուր-Իարաբին թողնել պատերազմի դաշար: Ահա այդ Իաստուր-Իարաբին գիմեց Անկէտիլը: Երկար տատանումներից յետոյ Իարաբը համաձայնեց դաս տալ Փրանսիացուն զէնդական և պահպաւական լիզուններից: Երեք տարի Անկէտիլը

Սուրաթում աշխատեց, զբաղւելով յիշեալ լեզուներով, ուսումնասիրելով Փարսերի սովորութիւնները և բարքերը, հաւաքելով ձեռագիրները և իրան հարկաւոր բոլոր նիւթերը և, վերագառնալով Փարիզ 1762 թւին, ներկայացրեց թագաւորական գրադարանին 180 զէնդական, պահաւական, պարսկական և սանսկրիտական ձեռագիրներ: Իննը տարի աշխատեց Անկէտիլը հաւաքւած նիւթերի վրա և վերջապէս 1771 թւին հրատարակեց իւր թարգմանած Զէնդ-Ավէստան, մի յաւելւածի հետ, որ վերաբերում էր Փարսերի սովորութիւններին ու բարքերին:

Զէնդ-Ավէստայի հրատարակելը մի նշանաւոր դէպք էր զիտական աշխարհում և բանասէր հասարակութիւնը բաժանւեց երկու բանակի: Անգլիացում զէնդական բնագիրները անւանեցին ապօրիֆներ և Օկսֆորդի երիտասարդ զիտականներից մէկը, Վիլլիամ Զոնսը սկսեց եռանդով քննադատել Անկէտիլի աշխատութիւնը: Վ. Զոնսը, թէև իւր ստացած կրթութեամբ ու դաստիարակութեամբ անգլիացի երիտասարդ, բայց քննադատութեան եղանակով Վոլտերի ճշմարիտ աշակերտը լինելով, հաւատացնում էր, թէ կամ Անկէտիլի հաւաքած բնագիրները կեղծ են, որևէ ժամանակակից գրողի ստեղծագործութիւնն են, կամ թէ վերջապէս այդ աշխատութիւնը Զրագաշափնը չէ, այլ որևէ

ուրիշ հնագարեան գրողի գործ է, որովհետև Զրագաշար չէր գրել մի այդպիսի բան, եթէ միայն նա փոքր իշատէ աչքի ընկնող խելք ունէր: «Մեր գարում—ասում է Զոնսը ամօթ է լուսաւոր եւրոպայի համար՝ հետաքրքրւել այն առասպելներով, որ մենք գտնում ենք Զէնդ—Ավէստայի մէջ, և եթէ այդ զիրքը նոյն իսկ իրօք նախնի Փարսերի ակտերի և կրօնական սկզբունքների ժողովածուն լինէր, այնուամենայնիւ չարժէ այնքան աշխատանք գործ դնելով ճանապարհւել այնպէս հեռու՝ այդ բոլորի հետ մեզ ծանօթացնելու համար»:

Պէտք է նկատել, որ յետագայում Վ. Զոնսը զարձաւ խորին հնութեան եռանդուն յարգող և, ի միջի այլոց, յայանութիւն էր որոնում Զէնդ—Ավէստայի սրբազան գրքերի մէջ:

Գերմանիայում, չնայելով մի քանի զիտականների յարձակումներին, Անկէտիլի գիրքը մեծ յաջողութիւն ունեցաւ, և ծառայում էր զիտականների համար որպէս ձեռնարկ՝ Պարսկաստանին վերաբերեալ Աստուածաշնչի մէջ գտնւած կտորները բացատրելու համար:

Սիլվէստր դը Սասիի նոր զիւտերը, որոնք պարզաբանեցին պահաւական զանազան մակադրութիւնները, հաստատեցին Անկէտիլի հաղորդած տեղեկութիւնները: Սրանցից յետոյ Զէնդ—Ավէստայի բովանդակութիւնը սկսեց ուսումնասիրել մի ուրիշ

Փրանսիայի գիտնական, սանսկրիտագետ Բիււրնուֆը: Անկէտիլի հաւաքած ձեռագիրների օգնութեամբ Բիւրնուֆը դառաւ կրօնական աւանդութիւնների աւելի ճիշտ աղբիւրը, այսինքն Փարսական սրբազան զրքերից մէկի— «Եսանայնն 'ի» սանսկրիտական թարգմանութիւնը, որ կատարւած էր 14-դ դարում, երբ աստուածաբանական գիտութիւնը դանդաղ էր ծաղկած գրութեան մէջ: Իսկ իւր գիտողութիւնները արծարծեց Բիւրնուֆը «Եսանայնն 'ի» մասին գրած երեւելի բացատրութիւնների մէջ, վերստեղծելով այդպիսով համեմատական զիջարանութիւնը և չնդհական Վեդաների ուսումնասիրութեան հիմքը զնելով:

ժ.

Նախնի հայերը, քրիստոնէութիւն ընդունելուց առաջ, դաւանում էին համարեա նոյն կրօնը, ինչ որ իրանցիները: Հին հայաստանի հատուածական աւանդութիւնների մէջ վերին Աստուածութեան—Սրամադդի անունը հանդիպում է իւրաքանչիւր քայլում: Նրա տաճարը գտնուում էր Անի *) ամրոցում, որը հայոց Արշակունի թագաւորների գերեզմանատեղին էր: Որպէս բարձրագոյն աստուա-

*) Պէտք է շիտթել Անի քաղաքի հետ, որը Բագրատունիների մայրաքաղաքն էր:

ծութիւն, Սրամադդը հայ ժողովրդի մէջ կոչուում էր հայր բոլոր աստուածների:

Հին հայերը պաշտում էին, ի միջի այլոց, Միթրային, որը նրանց մէջ կոչուում էր Միհրա: Միհրան աներեւոյթ կրակի աստուածն էր, իսկ Միհրայի տեսանելի պատկերը համարուում էր արեգակը կամ լուսինը:

Մովսէս Խորենացու ասելով, հայերը հին ժամանակներում պաշտում էին երկու վիշապների, որոնց մէջ իբր թէ վերաբնակւած էին չար ոգիները: Սյգ վիշապները կարող են Ահրիմանի մտաբացումը համարել, որովհետեւ ըստ աւանդութեան, չար ոգիների պարազուխը, Օրմուզդի թագաւորութեան վրա զործած անյաշող յարձակումից յետոյ, փախչելու մէջ փրկութիւն որոնելով, վիշապի կերպարանքով վայր ընկաւ երկնքից երկրի վրա:

Հանդերձեալ կեանքի մասին հայերը նոյն հայեացքն ունէին, ինչ որ Փարսերը: Ստորերկրեայ թագաւորութիւնը յայտնի էր հայերին «Վժողք» անունով (պարսկական դուրախը—Ահրիմանի բնակատեղին):

Մազդէականութիւնը տարածւած էր նայնպէս Վրաստանում: Ըստ աւանդութեան, սուրբ Նինան (Նունէն), Վրաստանի լուսաւորիչը, խորտակեց Սրամադդի կուռքը Մյխէթում: Մեր ժամանակ զոյութիւն ունեն նմանօրինակ սովորութիւններ օսե-

րի և ուրիշ լեռնաբնակ ժողովուրդների, մանա-
 ւանդ քարթւելական ցեղին պատկանող խէվսուր-
 ների մէջ: Օրինակ՝ օսերի համարանքը դէպի
 ընտանիքի պահապան ողիները շատ նման է Ավէս-
 տայի Փրավաշների պաշտամունքին: Փրավաշները
 առատաձեռն էին, քաջարի, զթասիրտ, հզոր և միա-
 ժամանակ շարժուն, որպէս թռչունները և թեթև,
 որպէս քամին: Այդ բոլոր յատկութիւնները,
 օսերի կարծիքով, ունին նոյնպէս հանգուցեալ
 նախնիների հօգիները: Օսերի ժողովրդական ա-
 ռասպելաբանութիւնը նման է Ավէստայի կրօնին
 այն բանով, որ նա էլ տնային օջախը առանձին
 պաշտամունքի առարկայ է համարում: Սմիրանի մա-
 սին գոյութիւն ունեցող օսական առասպելի մէջ
 հեշտ է տեսնել Ավէստայի Սհրիմանի պատկերը:
 Օսերի առասպելների մէջ Սմիրանը ներկայանում է
 որպէս մի բռնազատ, որը մարդկանց հանդիստ չէր
 տանիս և վիճում էր թէ սրբերի և թէ Աստու-
 ծոյ հետ:

Մանաւանդ ակներև են իրանական սովորու-
 թիւնների մնացորդները խէվսուրների մէջ, որոնք
 բնակւում են Թիֆլիզի նահանգի Թիօնէթի գաւա-
 ռում: Օրինակ՝ խէվսուրների գերեզմանները տա-
 րածւած են բնակատեղիներից, անտառից և ջրերից
 հեռու գանձող լերկ բարձրութիւնների վրա: Դի-
 տակները դրւում էին այդ գերեզմանների մէջ այն-

պէս, որ հողին չը դպչէին: Գերեզմաններում՝ փոր-
 ւած անցքերը ազատ մուտք էին տալիս թռչուն
 ներին և դազաններին: Խէվսուրների թաղման ձե-
 սերը յիշեցնում են Ավէստայի իրանցիների նոյն-
 անման սովորութիւնները: Նրանց ծէսը նոյնն է,
 նրանք խուսափում են դիակից և Զրադաշտի ժա-
 մանակի իրանցիների նման, դնում են ննչեցեալնե-
 րին առանձնակի կառուցւած մատուռի մէջ:

Խէվսուրները նոյն հայայքները ունեն մաքու-
 րի և անմաքուրի մասին կամ պղծւելուն վերա-
 բերեալ, ինչպէս նախնի իրանցիք, նրանց մէջ էլ ծրն-
 նդարբերութիւնը, դաշտանը, կարած մազերը և ե-
 ղունդները կապ ունին պղծւելու հնարաւորութեան
 հետ: Խէվսուրների և փշամլների մէջ, ցանկապատից
 փոքր հեռու, կայ մի փոքրիկ անակ, ճիպտաներից
 հիւսած, որ կոչւում է «Բօսելօ», այդ անակում
 պիտի անցկացնէ կինը դաշտանի օրերը, իւրաքան-
 չիւր ամիս: Մաքրացումը, ինչպէս և նախնի Փար-
 սերի մէջ, կատարւում է կովի մէղի միջոցով:

Վիրական ցեղին պատկանող թուշերի մէջ ծր-
 նելու պատրաստող կինը պիտի հեռանայ գիւղից
 և խուլ, անբնակ անկիւնում, ուր ոչ մի մարդու
 ոտք չէ դպչում, ծնէ իւր երեխային և մնայ այն-
 տեղ հետեւեալ 40 օրւայ ընթացքում:

Նոգեորականի «գաստուր» անունը խէվսուր-
 ների մէջ՝ Ավէստայի քուրմի ճշգրիտ աիտղոսն է:

Մ. Յ. Ա. Ր Ա Մ Ե Ա Ն Յ Ի

ՀՐԱՏԱՐԱԿՈՒԹԵԱՄԲ

Շուտով լոյս են տեսնելու

ԳԻՒՂԱՏՆՏԵՍԱԿԱՆ ԳՐԱԴԱՐԱՆԻ ՇԵՏԵԻԱԼ ՀԱՄԱՐՆԵՐԸ

Կ. ՄԵԼԻՔ-ՇԱՀՆԱԶԱՐԵԱՆՅԻ

Հեղինակումեամբ

- № 1 Վազի մշակութիւնը (արդէն լոյս են տեսել)
- № 2 Գինեգործութիւն ընդարձակ պատկ.
- № 3 Չերամապահութիւն » »
- № 4 Մեղուապահութիւն » »
- № 5 Բամբակի մշակութիւնը.
- № 6 Ծխախոտի մշակութիւնը.
- № 7 Այգեգործութիւն, (Մ ը գ ա ը ե ը ա յ գ ի):
- № 8 Հացաբոյսերի մշակութիւնը I, II, III գիրք:
- № 9 Բանջարանոց:
- № 10 Անասնապահութիւն—գ ի ը ք I Տաւարապահութիւն II գիրք—Չիտապահութիւն. III գիրք Ոչխարապահութիւն, խոզապահութիւն.
- № 11 Կաթնասնտեսութիւն:
- № 12 Թռչնապահութիւն:

Բ. Ժ. Ա. ԲՈԳՈՒՂԵԱՆԻ ԱՇԽԱՏՈՒԹԻՒՆՆԵՐԸ

- 1. Առաջին օգնութիւն մինչև բժշկի գալը (սպառ.) 5 կ.
- 2. Վարակիչ հիւանդութիւններ 5 »
- 3. Ի՞նչ է սիֆիլիսը 5 »
- 4. Առողջապահական զրոյցներ 5 »
- 5. Ի՞նչ է ժուժկալուծիւնը 5 »
- 6. Ի՞նչ է անառակութիւնը 5 »
- 7. Վեներական ախտեր 2 »
- 8. Աշակերտի առողջապահութիւն 10 »
- 9. Մեր նեարդերը 10 »
- 10. Սիֆիլիս (բարեփոխուած) 10 »
- 11. Առողջ հոգին առողջ մարմնի մէջ 10 »
- 12. Գեղձախտ (զօլօտուխտ) 15 »
- 13. Ո՞վ է յանցաւորը 15 »
- 14. Կարիք և բարեգործութիւն 15 »
- 15. Ժառանգականութիւն և դաստիարակութիւն 15 »
- 16. Մանկավարժական համառօտ զրոյցներ 25 »
- 17. Մարմնամարդութիւն (25 պատկերով) 20 »
- 18. Առողջապահական նուէր նորատի կանանց 15 »
- 19. Կինը և տղամարդը 5 »
- 20. Վիրաբուժական հիւանդութիւն և օպերացիա 15 »
- 21. Ի՞նչ է կաշու հիւանդութիւնը 15 »
- 22. Երիտասարդութիւն և ծերութիւն 20 »
- 23. Առողջ ու հիւանդ երեխայի ոգին 20 »
- 24. Ուղեղի սիֆիլիսը (գլխի և ոգնաշարի) 20 »
- 25. Ստամոքսի կատարը 25 »
- 26. Քուն և երազ 25 »

(Մեծադիր պատկեր «Քուն և երազ» շքեղ լիզիթ վրայ առանձին 10 կ.)

Գ Ի Մ Ե Կ Թ ի Ֆ ի Ս Կ Ե Ն Կ Ր Ն Ա Կ Ա Ն Ե Կ Գ Ու տ ա ն Ե Ր Ե Ր Գ Բ ա ք ու Պ Ր ժ մ Ե ա ն Է Օ Ս զ Ր ա խ ա ն ու Թ Ն Ե Ր Ի Ն .



ՅՐԳՀԱՆՆԷՍ ԱՐԱՄԵՆՏԻ ՀՐԱՏԱՐԱԿՈՒԹԵԱՄԲ ԼՈՅՍ
ԵՆ ՏԵՍԵԼ ՀԵՏԵԻԵԱԼ ՊԱՏԿԵՐԱԶԱՐԴԻ ՀՐԱՏԱՐԱ՝ ԴՐ
ԹԻՒՆՆԵՐԸ:

- 1. Բեօրնածն՝ կազմեց Ե. Թոփչեան . . . 10 Կ.
- 2. Մաչմեղ՝ » » » . . . 7 »
- 3. Մեօրոպ Մաշտոց՝ կազմեց Ե. Թ. . . 5 »
- 4. Սահակ Պարթև՝ » » . . . 5 »
- 5. Հառւպտման՝ » » . . . 15 »
- 6. ՄԼԾն Ներսէս՝ » » . . . 5 »

Զուտով լոյս է տեսնելու՝

1. Պուշկին.

Պատրաստ է տպագրութեան համար՝

- 1. Ընթարութիւն կաթնաուների՝ Գ. Մեծատուրեանի.
Պատրաստուում են նոր հրատարակութիւններ:

ԳԻՆՆ Է 7 ԿՈՊ.

ԴԻՄԵԼ՝

- 1) С.-Петербург: У. М. Аралыча Ли-
ская 38.
- 2) Муфасс: Книжной магазин. Туман-
деро.
- 3) Вакы: М-во „Прометейс“ Красново-
ская г. Амуровоидо.

«Պուշկինեան Արագատիպ». Ա.-Պետերբուրգ, Լեշտուկով փ. տ 4.